

Wënsch fir d'neit Joer

Béi Geleenheet vun neie Joer 2012 wënschen ech jidderengem Gléck, Gesondhheet an Zefriddenheet doheem an op der Arbecht. Dir sollt Iech wuel a behitt fillen an ärem Glaw an an ärer Pargemeinschaft. Ech profitéieren vun der Geleenheet fir Merci ze soën dem Här Ferber an der Gemeng fir déi gutt Zesummenarbicht, fir déi nei Anlag matt den Erklärungen vun der Randschleider Kierch, déi nei Fensteren an d'Arbechten am Park zu Randschleid. Ech hoffen datt et esou gutt viru geet mam neie Buergermeeschter, dem Här Assa.

En extra Merci all deenen déi mir bei menger Arbicht hëllef: de Memberen vun de Kiercheréit, de Sekretären an de Kessieeën vun de Poren, eisen beléiften Katecheetinnen, de Sängerinnen a Sänger, den Damen an Hären déi eis Kierchen botzen a rëschten, de Massendinger, de Lektoren, der Musik an de Pompjeeën fir hir geleeëntlech Mathëllef. Merci de Gemengenarbichter fir d'Chrëchtbämerchen an den Ennerhalt vun de Kierchen. Merci deenen déi d'Krëpperchen an de Kierchen oprichten a Merci deer Equipp déi all Mount de Parziedel realiséiert.

D'Liichtfeier vun de Schoulkanner

D'Liichtfeier vun de Schoulkanner war ee groussen Erfolleg. Och wann d'Wieder de 15. Dezember nët matgespillt hat, an d'Liichtfeier doduerch huet missten vu Randschleid op Bëschrued verluegt ginn, hu vill Leit aus der Gemeng sech et nët huele geloss fir drunn deelzehuelen. D'Kierch vu Bëschrued war deen Owend bal bis op déi leschte Plaz gefëllt. No deem besënnlechen Deel an der Kierch, hu mir äis am Veräinsbau bei Punsch, Wiirschtercher a Kuch eremfond. Och d'Kaerzen, déi d'Kanner selwer gemaach haten, hu sech gutt verkaaft. Um Enn konnten 850€ un d'Aktioun "Kannerliicht" iwwerwise ginn. Jidderengem, deen duerzou bäigedroën huet een hærzleche MERCI !



Broutbaken a Mass

Broutbaken a Mass fir d'Kommiounskanner aus dem ganze Parverband. En Daschdig, de 24. Januar 2012 ginn d'Kommiounskanner op Wahl an d'Thillenvogtei Brout baaken. Uschlëssend ass um 18:30 Auer eng Mass ënnert dem Thema " Brout" an der Kierch zu Wahl.



Un d'Chrëschtkënnchen



Léiwte Chrëschtkënnchen, meng Elteren machen sich Gedanken wëll ech nach un dëch gleewen. An Wirklichkeit sin ech wéi d'Kanner all a mengem Alter: ech gleewen an zur gläicher Zäit gleewen ech nit. Ech weess genau datt et déi Grouss sin déi d'Kaddoën gin, mee et passt mer gut fir trotzdem ë bëssen un dëch ze gleewen.

Wëll esou kënn ech si gleewen lossen datt ech keng Ahnung hätt wat all déi Spillsachen kaschten

déi an den Geschäfte leien an nit verstouë ging firwat datt déi Reklammen gutt sin déi mër an d'Bréifkëscht kréien an déi op Affischën aushänken. An Wirklichkeit sin ech nit méi esou kleng an esou domm: et misst een blann an daaf sin fir nit ze verstouen dat d'Chrëschtzäit just eng Sach vun Commerce as. . Mee wëll ech awer gäer Kaddoën hätt an nit genau weess wéi déi Erwuessen hir Suen ausgin, hun ech léiwer ech gleewen dass Du et bass, léiwte Chrëschtkënnchen wat sich em dat alles këmmert. Dat mëcht mër eng Suerg manner! Wëll déi Grouss an Wirklichkeit vill Suergen hun an ech trotz mengem Alter gesin datt et nit einfach as fir si. Mee si sollen nit denken datt mër Kleng äis nit betraff fillen: Mër gesin et um Fernseh an héieren alles wat gesot gët iwver Krankheeten, Epidemien, Iwwerschwemmungen, Stierem, Leit déi duerch Honger stierwen, Attentäter. Ganz dacks diskutéieren mër heemlich ënnert äis: et weess een nit op d'Enn vun der Menschheet kéint oder op d'Kanner all an Kellere gespart gin fir si géint Mikroben ze schützen. Et sin esouguer Frënn déi soën datt eis Elteren keng Kanner méi machen an datt Mënschen wéi Roboter fabrizéiert gin fir datt si besser follichen an nit krank gin. Heiansdo denken ech ëlleng an menger Kummer iwver dës Sachen no. An dëst mëcht mir wierklich Angscht. Enges Dags hun ech mer gesot et wir villäicht besser nit gouss ze gin fir d'Sachen nit esou ze gesin. An esou berouigt d'Chrëschtkënnchen, an all déi schéin Sachen an den Vitrinnen an um Fernseh äis. Dat gët den Androck wéi wann et Feeën gingen iwverall gin, Glëck dat einfach esou bei äis kënn, enges Owe, op d'ganz Welt, an den Rescht vergiessen léisst. An natierlich hätten mër och gären datt d'Chrëschtkënnchen keen vergësst. Mee mër wëssen datt dat nit méiglech as. Mee et deet gut et awer ze gleewen. An dat misst jo och deenen Groussen Guddes din. Dat versëchert si: Sie soën sich si kéinten een ganzen Koup Kaddoën machen ouni sech ze suergen iwver déi déi keng kréien. Wëlls jo Du et bass léiwte Chrëschtkënnchen wat sich drëm këmmert! An et as do wou ech mengen datt déi Grouss an Wirklichkeit kleng sin: andeems si fir äis d'Chrëschtkënnchen spillen vergiessen si datt si hat erfionnt hun. Villäicht entscheiden si enges Dags Chrëschtkënnchen ze spillen fir déi ganz Welt. Esou guer wann et nit op Chrëschttag as, ech hätt näischt dergéint.